

## M199B: Mittelfränkische Reimbibel (B)

- 0,27a [...] [...] then in then unden  
0,28a Wande alles thes nieht ne genas  
0,28b thes tho lebentiges was  
0,29a Hiwaere thie noe behilt in ther arcan  
0,29b thie ime got thar zuo hiez wurden  
0,30a Vnde thaz tha nieht ne mahte genesen  
0,30b thaz ne dorste in ther arcan nieht wesen  
0,31a Zuo ther arcan habet noe hunderet iar getan  
0,31b wande sie scolde manigen stoz untan  
0,32a Thar unas ouch ane groze gemach  
0,32b sie habet in uuether half druge thac  
0,33a Vnde uuas also gethihte  
0,33b thaz thar nechein wazzer in chomen ne mahte  
0,34a Si was also ein hus geschaffen  
0,34b unde manichualt binnen gemachet  
0,35a Si scolde manichualt uesen  
0,35b tha so manich tier inne scolde genesen  
0,36a Thie tier thie er uuaren grim unde wilde  
0,36b thie wurthen tho sanfte milde  
0,37a Sie uuvrthen noe milde gemachet  
0,37b also sie got adame habet geschaffen  
0,38a Noe nam tho in thie arca zuei geliche  
0,38b uon aller uuihte geliche  
0,39a Von then reinesten nam er sibene  
0,39b thaz er gote ze opfer hethe ze gebene  
0,40a Vnde uorht bliben mahte  
0,40b uon then anderen thaz geslahte  
0,41a Ther [...] [...] tha got [...] [...]  
0,42a [...] [...] habet  
0,42b thes uuihte gelich lebet  
0,43a Tho gienc er in mit allen thisen  
0,43b thie tha sculden genesen  
0,44a unde liez uzen thie arcan  
0,44b got selben bewerchen  
0,45a Tho begunden thie wazzer wahsen  
0,45b uon then tiefen abysson  
0,46a Tho guzen ouch thie himelronnen  
0,46b uon then wolchen thie brunnen

- 0,47a Vierzech tage unde uierzech naht  
0,47b thaz thiv uloth hete thie chraft  
0,48a Thaz sie thie arcan uon ther erthen  
0,48b geburite uber alle bovme unde uber alle berge  
0,49a Tho thie ubergrozze uluoth  
0,49b hunderet unde uifzech tage gestuont  
0,50a Vallen sie tho begunde  
0,50b zuo them tiefen grunde  
0,51a Thes uuolde noe thie uuarheit beuinden  
0,51b unde liez einen raben uz wenthen  
0,52a Thaz er iz ime chundet  
0,52b of er iergen lant vunde  
0,53a Tho ne wolde ther ungetriwe raben  
0,53b ther trivuuen nicht pflegen  
0,54a An ein as er sich nither liez  
0,54b unde sine bodescaft uerliez  
0,55a Tho noe thaz uernam  
0,55b thaz ther raben nicht ne quam  
0,56a Tho liez er eine thuben uliegen  
0,56b thie ne uuolde in nicht bethriegen  
0,57a War tho si ne gesach then bovme noch thaz lant  
0,57b ane them si s..  
0,58b [...] [...] [...] [...] “Thes scalt thu nu liebe uater ezzen turch thinen willen  
haben ich iz gewonnen”  
0,59a Ther uater tho zuo ime sprach  
0,59b “wie gewunnest thu so sciere liebe sun daz”  
0,60a Ther sun sprach “waz of mir iz got gegunde  
0,60b thaz ich iz sciere gevunde”  
0,61a “Ganc mir naher” sprach ysaac zuo them kinde  
0,61b “thaz ich thie warheit bevinde  
0,62a [...] [...] under sinem geslahte thaz uolch  
0,63a An them ie got gereche  
0,63b thie ime ubel gespreche  
0,64a Gotes hulde ther habe  
0,64b ther ime wol sage”  
0,65a Also er thiz habet getan  
0,65b unde iacob uon ime was gegan  
0,66a So chumet esau mit wine unde mit brote  
0,66b unde gesothem wiltbrathe  
0,67a Vnde sprach “thu scalt thes mazzes  
0,67b liebe vater ezzen”  
0,68a [...] [...] al thar begraben wart  
0,69a Von iacobes zuelf sunen  
0,69b sint ther ivthen zuelf geslahte chomen  
0,70a Von then quamen thie herren  
0,70b thie pphete unde apostoli waren  
0,71a Ther iacobes kinde hiez ein ivdas  
0,71b uon thes geslahte xp-c geboren was

- 0,72a [...] [...] was ouch ein [...]s[...]  
 0,73a [...] [...] r aller nit truoch  
 0,73b thaz er ther rethe [...] [...]  
 0,74a Von thiv sie ubel in untfinden  
 0,74b tho her after in uf thaz felt quam gegangen  
 0,75a Vnde sprachen “sie nu wa ther droumaere chumet gegān  
 0,75b waz thunchet iuch broderen of wir in slan”  
 0,76a Ruben ther [...] [...]  
 0,76b [...] [...] ne duhte ime guot [...] [...]  
 0,77a Herre kunich nu ne scalt thu nicht lazen  
 0,77b newer einen wisen man scalt tu thar zuo sezen  
 0,78a Ther al thin rich turchuare  
 0,78b unde thaz uolc mit manihen beware  
 0,79a Ther ouch plege thines rates  
 0,79b thaz [...] [...]  
 0,80a Mannasse unde Efferaym  
 0,80b hiezen thie kint sin  
 0,81a Iosephe thes nicht ne uergaz  
 0,81b neware tete als her selbe sprach  
 0,82a Er uvor turch allez thaz riche  
 0,82b unde warnet arme unde rich  
 0,83a Vnde plach ouch selbe thes rates [...] [...]  
 0,84a [...] [...] mit ne uaren  
 0,85a Ther einige mus wither zuo then benthen  
 0,85b under theme iz werthe uvnden  
 0,86a Iwer ander nechein  
 0,86b newaere uaret uort heim  
 0,87a Von then aldisten sie iz begunden  
 0,87b unde thie sacche alle untbunden  
 0,88a [...] [...] Oh mir herre eines thinges  
 0,88b thes ich mir underwant thes Kindes  
 0,89a Vnser uater iz so lief habet  
 0,89b also wir haben gesaget  
 0,90a Thaz er mir iz nicht ne gaf  
 0,90b er ich ime an mine trivwe thes uerblach  
 0,91a Ich wolde er selve [...] [...]  
 0,92a [...] [...] [...]t[...] ge[...] [...] [...]lich[...] [...] [...]  
 0,93a bist [...] [...]  
 0,93b thaz thu gest mit them kint [...] [...]  
 0,94a [...] [...] bist  
 0,94b thu dregeest then heiligen Christ  
 0,95a [...] [...] tho saget  
 0,95b tho si elisabeth gesehen havede  
 0,96a “Magnificat anima mea dn-m  
 0,96b want ouch drage sinen heiligen sun  
 0,97a Thes frowen sich man unde wif  
 0,97b thaz ich drage sinen heiligen lif  
 0,98a wande got under aller thieth

- 0,98b gesach an mine otmuothicheit  
0,99a Thaz ich sinen heiligen lif tharf tragen  
0,99b thes mugen mich alle kunne salich sagen”  
0,100a Vil salich was unde ist in trivwen  
0,100b sca- maria thie heilige urovwe  
0,101a thiū them himelischem gode was so drut  
0,101b thaz her sie kos z einer muoter unde zuo einer brut  
0,102a got was ire uater unde ire kint  
0,102b thaz sint vil salige thinc  
0,103a Thaz ne gescach nie er  
0,103b noh ne wirthet niemer mer  
0,104a Iz was ein [...] [...] hiez zacharias  
0,104b ther beithe alt unde gra was  
0,105a Theſ wif elizabet hiez  
0,105b thiū sich an gotes thinest fleiz  
0,106a Thisē zwei lange sament lebeten  
0,106b er si kint haveden  
0,107a elizabet vil ofte wart uerwizen thaz si so lange  
0,107b ane kint habeten gesehen  
0,108a Vvande man tho ein wif bose saget  
0,108b thie bi iren jaren kint ne havete  
0,109a Then iz auer ther gotes wille gehenget  
0,109b thaz sie in ire alder wurthen dragente  
0,110a thie begiengen selbe rehte thinc vnde  
0,110b gewonnen ouch heilige kint  
0,111a Also [...] [...] [...] burt[...] en [...] [...] [...] [...]  
0,112a geschehen al scolden sie got [...] [...] [  
0,113a Wande wir iemer thes ge[...][...] [  
0,113b uns rehte thinc geschehen  
0,114a [...] [...] them geslahte  
0,114b thaz er prise [...] [...] [  
0,115a Tho ther zit was unstan  
0,115b thaz ther Juden volch iren ewen scolde began  
0,116a Zacharias [...] [...] .r gienc  
0,116b zuo them opffer er gevienc  
0,117a tho her ze them altare scolde gan  
0,117b so sah her then gotes engel ze seiner zeswen stan  
0,118a vorhte in uberquam  
0,118b er in ther engel troste fram  
0,119a her sprach “zacharias n untforhte niet  
0,119b einen sun scal thir dragen elizabet  
0,120a ein kint dir ze eigen  
0,120b iohannem scalt thu in heizen  
0,121a manege sculen an ther erthen uon  
0,121b seiner geburt erfrowet werthen  
0,122a Er scal manege zuo unserem herren  
0,122b uon israhelis volch becheren”  
0,123a Theſ nicht geloben ne wolde Zacharias
- 
- © 2011 by Walter de Gruyter GmbH. All rights reserved.

0,123b wand her ein vil alt man was  
0,124a Beithode [...] [...]  
0,124b al waere ime thie bothescaft [...] [...]  
0,125a Tho sprach ime zuo ther engel  
0,125b “ich bin sa-g[...] [...]  
0,126a [...]r[...] stadelich bin uor gote  
0,126b zuo [...]te[...]  
0,127a Nu thu mir iz nicht wilt gelouben  
0,127b [...] [...] sal ich thir thaz ware zeichen geven  
0,128a thu salt nu also lange stumme wesen  
0,128b unz Elisabeth thes kindes ist genesen  
0,129a Vnde thu ime then namen Johannes haves gegeben  
0,129b so iz in theme ahtothan tage werthe besnithen”  
0,130a Zacharias al thar [...] [...]  
0,131a sumelich thaz sie tho nicht ze [...] [...] war [...] [...]  
0,131b unde er ne sturben  
0,132a Vnde er mit selen unde mit lichnamen  
0,132b ze gote waren genomen  
0,133a Vnde [...] [...] an ther ufferte gesturbe  
0,133b unde auer lebendich wurthe  
0,134a Vnde sagent thaz thie salige al sculen sterben  
0,134b thie hir in domestage lebendich uonthen werthen  
0,135a An them ahtoden tage wart thaz kint circumcised  
0,135b tho wart iz geheizen iesus  
0,136a Then namen ther engel marien sagete  
0,136b er si thaz kint unfangen habete  
0,137a In them drizzichisten tage thar nach gesca  
0,137b then wir began thar na  
0,138a Thaz thri kunige thes kindes genathe suhten  
0,138b unde ime sunderlich gaben brahten  
0,139a Then erschein ein sternne  
0,139b in osterich uerre  
0,140a Ther was groz unde lieht  
0,140b ther ne stuont an them himele nicht  
0,141a Then nieman er ne gesah  
0,141b noch sint mer ne tete thar nah  
0,142a An them stern sie gekuren  
0,142b thaz xp-c wart geboren  
0,143a Ire gabe sie tho namen  
0,143b unde ze ierl-m quamen  
0,144a Vnde urageten wa xp-c herre  
0,144b ther ivden kuninc waere  
0,145a Then wolden sie ane beten unde eren  
0,145b also sie scolden uon rehte iren herren  
0,146a Sie gesagen sinen stern  
0,146b in osterich so uerren  
0,147a Ther ware groz unde herlich  
0,147b anderen stern ungelich

- 0,148a Also er mit rehte  
0,148b xp-m bezeichnen mohte  
0,149a Then sagen sie uon iren lande  
0,149b Also er boben ierl-m stuonde  
0,150a Also herodes thice uernam  
0,150b vil harte er iz underquam  
0,151a Want er thes getrivwen ne wolde  
0,151b thaz anther kuninc wesen ne scolde  
0,152a Von then scribis her tho besuohte  
0,152b war thaz kint wesen mohte  
0,153a Sie sprachen sie heten in pphetis gelesen  
0,153b iz scolde in betlehem geboren wesen  
0,154a Herodes mit then trin kunigen sprach  
0,154b unde vil inneclich si bat  
0,155a Thaz sie ime uon them kinde sageten  
0,155b also sie iz ane gebetet habeten  
0,156a Wande er iz ouch ane beten wolde  
0,156b thaz er note lazen scolde  
0,157a Also thie kunige herodis wort gehorten  
0,157b zuo betlehem sie kerten  
0,158a Tho sie ire gebet habeten  
0,158b getan van them wir nu sageten  
0,159a Zuo xp-m unseren herren  
0,159b uolgeten sie them sterne  
0,160a Also sie quamen thar sie ine funden  
0,160b vil urolich sie in giengen  
0,161a Vnde ane beteten then an ther erthen  
0,161b ther sie geliez gewerthen  
0,162a Tho sie ire gebet habeten getan  
0,162b uor thaz kint sie giengen stan  
0,163a Ther erist brahte ime arabies golt  
0,163b thaz bezeichnenot thie kuniclich gewalt  
0,164a Wiroch ther ander ime brahte  
0,164b mit them er siner godeheit gedahte  
0,165a Mirram ther dritte ime gaf  
0,165b want er in waren mennischen gesach  
0,166a Vnde si in ouch scolden haben  
0,166b so man in scolde begraben  
0,167a Tho sie ire opfer ze ther wis habeten braht  
0,167b tho gebot in ther gotes engel in ther naht  
0,168a Thaz sie einen anderen wech wither kerten  
0,168b unde herodes gebotes nicht ne horten  
0,169a Sie scolden thes haben huote  
0,169b thaz sie nicht ne quaemen zuo herode  
0,170a Want er iz turch ualsch tete  
0,170b thaz er sie zuo ime komen baete  
0,171a Einen anderen wech thie herren  
0,171b na thes engeles gebot fuoren

0,172a An them oberisten tage thaz gesca  
0,172b uber drizzich iar thar na  
0,173a Thaz unser herre zuo them iordane gienc  
0,173b unde thie thovfe uon sce- iohanne untfienc  
0,174a Sint in sc-s- iohannes gedovfet  
0,174b so quam er uber ein iar zuo einer brutloft  
0,175a Tho ther gotes engel also ich sagete  
0,175b then drin kunigen geboten habete  
0,176a Ioseph er in droume gebot thaz er uf stuonde  
0,176b unde er in egypte uuore mit marien unde mit them kinde  
0,177a Wande herodes thes habete gedahte  
0,177b thaz er thaz kint sluge of er mahte  
0,178a Vnde gebot thaz sie waren in them lande  
0,178b unce er in then uriden kunde  
0,179a Ioseph tho tete  
0,179b na thes engeles gebote  
0,180a Sumelich sagen thaz ther engel tho ze stete  
0,180b ioseph nicht ne gebute  
0,181a Noch herodes tho ze stunde  
0,181b nicht ne lieze hovbeten thie kint  
0,182a Niwar also er uername  
0,182b thaz ime ther kunige nechein ne quaeme  
0,183a Thaz sie ime uon them kinde nicht ne sageten  
0,183b also er sie gebeten habete  
0,184a Thaz er wurte thes uerbolgen  
0,184b unde begunde in mit here uolgen  
0,185a Tho er sie nicht ne funde  
0,185b thaz er uort vuore ze rome  
0,186a Vnde suhte thes ther romaere rat  
0,186b of er tuon schulde thie meintat  
0,187a Thaz er so under al then kinden  
0,187b then schuldegen mahte vinden  
0,188a An ther widervart scolde er beuelhen sinen holden  
0,188b thaz sie alle thie wege besezzen wolden  
0,189a Of in chein kint bequemen in then wegen  
0,189b thaz sie in af naemen thaz leben  
0,190a Mit disen sagent sie thaz dimas unde ramatha waren  
0,190b thie sint gehangen wurthen mit unserem herren  
0,191a Vnde thes genuzze dimas  
0,191b thaz er mit unserem herren genas  
0,192a Thaz er nach herodis gebote  
0,192b them kinde nicht ne tete  
0,193a Thaz er ime thaz leben nicht abe ne nam  
0,193b tho iz ime an them wege bequam  
0,194a Thaz Ramatha thes anderes det unwillen  
0,194b thes vuor er zuo ther hellen  
0,195a Ther gotes engel iz iosephe sagete  
0,195b tho herodes sin ende getan habete

- 0,196a Vnde sagent sumelich tho unser herre  
0,196b uon egyptelande uvore  
0,197a Thaz unser herre waere  
0,197b in them sibenden iare  
0,198a Vnde er uermithe archilaum  
0,198b thes kuniges herodis sun  
0,199a Thaz er ze ierl-m nicht ne quaeme  
0,199b want er in thar uernaeme  
0,200a Niwar in nazaret blibe er in then ziden  
0,200b thaz er uon archelao ne wurthe uerraden  
0,201a Vnde tho erist quaeme ze ierl-m unser herre  
0,201b tho archelaus beliben waere  
0,202a In them vierzichisten tage nach ther heiliger burt  
0,202b wart thaz kint ze kirchen gefuort  
0,203a Tho wart thaz kint ih-c  
0,203b gedragen zuo them gotes hus  
0,204a Sc-a- maria druch selbe iren drutsun  
0,204b zuo ierl-m in thaz templum  
0,205a Sines [...] [...]   
0,206a [...] [...] thich herre mach bescovwen  
0,207a Nu laezes tu mich in dinem fride  
0,207b wande ich dich gesehen habe  
0,231a [...] [...] na ime hiez gen  
0,232a “Venite post me” also er sagete  
0,232b tho er sie zu ime lathete  
0,233a Ze petro sunderlich  
0,233b [...] [...] hiez sinen iungeren [...] [...]   
0,234a [...] [...] herre tho zuo ime sprach  
0,234b “In sunnetage wirdet thaz”  
0,235a Ther sunnetach thar na  
0,235b in them sehsten tage gesca  
0,236a Also iohannes s[...] [...]   
0,237a [...] [...] an ther erthen  
0,237b sine hulde muzen erweruen  
0,238a Thaz wir sine gebot hir so began  
0,238b thaz wir sines riches teil unfahn  
0,239a Thaz er uns mit rehte ne muge uersagen  
0,239b so wir sin gebot hir getan haben  
0,240a Wande thie sines uater gebot abe get  
0,240b mit rehte er sines erbes abe stet  
0,241a Ther wir ein teil gesaget haben  
0,241b unde noch ein teil sculen sagen  
0,242a Petrus unde ivdas zuen apostoli waren  
0,242b unde taten beithe wither unseren herren  
0,243a Ire beider schulde waren grozlich  
0,243b al ne waeren sie nicht gelich  
0,244a Petrus unses herren thri warf uersag  
0,244b iudas in uerkovfte umbe einen lutzel scaz

- 0,245a Thaz er nicht getan ne scolde haben  
0,245b wolt man ime al ertriche geben  
0,246a Zuo thisen grozlichen dingen  
0,246b gemeret er unsaelige sine sunden  
0,247a Thaz er unser herre then er umbe drizech penninge uersalt  
0,247b mit einem chusse uermelden sculde  
0,248a Thice ne scal nieman wol loben  
0,248b thes ne scal ouch nieman plegen  
0,249a Thaz wir then kus them bieten  
0,249b an thes leben wir raten  
0,250a Wir sculen iz ouch zuo them miden  
0,250b then wir hazzen unde nithen  
0,251a Iz ne scal ouch turch thaz niemanne lichen  
0,251b wande ther kus ist thes urides zeichen  
0,252a Then sie ubel mit unseren herren begiengen  
0,252b tho sie in mit them kussen geviengen  
0,253a Ther kus wart iemer getan  
0,253b turch then guoten thomam  
0,254a Thaz sie in ne uiengen uor unseren herren  
0,254b wande sie vil gelich waren  
0,255a Thaz zeichen hate then ivden  
0,255b ther unsalige ivdas gegeben  
0,256a Petrus unses herren also ich sagete uersach  
0,256b tho er uon then ivden gefangen saz  
0,257a Thes er ime thar na theste wirs gehabete  
0,257b wande iz ime unser herre uor sagete  
0,258a Ime unde anderen then herren  
0,258b thie thar mit ime waren  
0,259a Tho er sine merunge habete getan  
0,259b Vnde in monte oliueti sin gebet solde began  
0,260a Thes gesan er thri waruen an ther erthen  
0,260b daz gotes wille an ime muoste geworden  
0,261a Thaz an sines fleisches brodicheit  
0,261b ther wille wurthe siner gotheit  
0,262a “In thiser naht” sprach er “so mich thie ivden uahn  
0,262b so scult ir min alle abe gan”  
0,263a Scs- petrus tho sprach  
0,263b “herro war zuo sprichest thu thaz  
0,264a Scal ich ouch then dovt ane gan  
0,264b ich ne wil thin nicht abe stan”  
0,265a “Peter” sprach er “wir sculen thie warheit sprechen  
0,265b thu scalt min dri warf in thirre naht uersachen  
0,266a Thaz scal er ther hanecraet gescehen  
0,266b thes n ist zuivel nechein”  
0,267a Tho iz also gescach  
0,267b tho gienc iz petro vil nach  
0,268a Thaz iz ime ie scolde geschen  
0,268b thaz er thes heiligen cristes ne dorste iehen

0,269a Ime was tho beithe  
 0,269b zorn unde leithe  
 0,270a Vnde vil sere weinen began  
 0,270b tho er sich rehte uersan  
 0,271a Thes pleif er uort an sinen eren  
 0,271b unde dienet [...] [...]

0,272a [...] [...] antwurte  
 0,272b tho si in bat so vil harte  
 0,273a Iz ne waere niwet gut thaz man under stu%,nden  
 0,273b ther kinde brot gebe then hunden  
 0,274a Si sprach iz ne waere also  
 0,274b thes uuaere si unfro  
 0,275a Toch wurthen under wilen then welfen  
 0,275b thie brosmen uon them tische ze helfen  
 0,276a Sine kint unser herre thie saget  
 0,276b thie er uon then ivden becheret tho habete  
 0,277a Hunde hiez er thie thiet  
 0,277b thie thie afgot beget  
 0,278a Uon then thaz wif was  
 0,278b ther dohter thar genas  
 0,279a Brot hiez er sine wort  
 0,279b uon then sie zuo them libe bekert wart  
 0,280a Von then er in einer andere stat  
 0,280b zuo sinen ivngeren sus sprach  
 0,281a Nolite mittere margaritas  
 0,281b ante porcos  
 0,282a Nieht ne scult ir mine mergrizen  
 0,282b uor thie svin giezen  
 0,283a Tha meint er thaz sie necheiner dumber thiet  
 0,283b ne predigoten uon siner wisheit  
 0,284a Ther muoter otmuodlicher worte  
 0,284b genutze wir alle harte  
 0,285a Wir waren uon then sunden  
 0,285b gelich alle then hunden  
 0,286a Zuo them wibe sprach unser herre  
 0,286b thaz ire gelovbe groz waere  
 0,287a Vnde ire wille gewurte  
 0,287b thaz ire kint ne sturbe  
 0,288a "Thin kint" sprach er "gut wif  
 0,288b behaldet wol then lif"  
 0,289a In ther selber stunt  
 0,289b wart ire kint gesunt  
 0,290a Thice gesach in ther zit  
 0,290b thaz begunde thie cristenheit  
 0,291a Von ther heithener thiet  
 0,291b thie noch thie afgot beget  
 0,292a Wir thanchen der in unserem gebete  
 0,292b ther got tho genathe tete

- 0,293a thie thes erist gesan  
0,293b thaz sie cristenheit gewan  
0,294a Wir thanchen ouch then zuelf herren  
0,294b unde allen predigaeren  
0,295a Thie uns mit gotes worthen  
0,295b zuo ther cristenheit becherten  
0,296a Sie sind alle unser muoter geistliche  
0,296b thie uns gebaren ze gotes riche  
0,297a Wir loben thes furtherist gote  
0,297b ther uns genathen tete  
0,298a Thaz er uns then sin habete gegeben  
0,298b thaz wir ther afgot nicht ne plegen  
0,299a Thaz wir getrost sin uon sinen worthen  
0,299b unde zuo them ewigen libe sin bekert  
0,300a Wande iz unseren selen also vil scadet  
0,300b ne wurten sie mit gotes worthen nicht gelabet  
0,301a Also iz unser lichnamen tuot  
0,301b wirthet ime unzogen thaz brot  
0,302a Thaz ist ouch gelich thisen thingen  
0,302b thaz wir lesen uon einem blinden  
0,303a Ther bi them wege saz  
0,303b unde unseren herren siner ovgen bat  
0,304a Von them wege er selbe sprach  
0,304b tha er mit then ivden saz  
0,305a Ich bin ther wech unde thiv warheit  
0,305b Also them wol ther thar ane get  
0,306a Ther blinde bezeichnenot thie heithenscraft  
0,306b die ther warheit nicht ne sach  
0,307a Sie was vil uerre them wege  
0,307b unce sie sprach "herre genathe min habe"  
0,308a Also sciere si thaz sprach  
0,308b bi them wege sie gesaz  
0,309a Ther uerleh er sine ovgen  
0,309b thaz sie in gesach in them gelovben  
0,310a An them wege sie tho gienc  
0,310b tho si thie tovf untfienc  
0,311a Ther bekennet thie gotes warheit  
0,311b thie sinen wille hir begeit  
0,312a Iz was ouch bi ther warheit  
0,312b thie ivdische thiet  
0,313a [...] [...] wort er nicht ne uerahl  
0,313b sint sie ime unser herre beuahl  
0,314a Sine scaf er leret  
0,314b thie zigen er bekeret  
0,315a Wol bewaret er sin scaf  
0,315b an siner [...] [...]  
0,316a Alle cristen unser bruother sint  
0,316b wande wir alle sin eines uater kint

0,317a Wir sin alle gebruodere unde suestere  
0,317b uon unserem uater [...] [...]  
0,318a of er mit sinem bruoder then er hir gesihet  
0,318b unbruoderlich beget  
0,319a Wie scolde wir thanne got uater minnen  
0,319b then er ne mach gesehen noch [...] [...]  
0,469a z[...]scolde[...] g[...]willen[...]  
0,469b thaz ire lichnamen umbewollen  
0,470a Gemischet wurthe zuo ther erden  
0,470b uon ther here geboren wolde werthen  
0,471a Inmitten ualle Iosaphat ist ire graf  
0,471b thaz man iemer sint gotes dienestes plach  
0,472a Wir bitten dich genathen heilige urowen  
0,472b wande wir thir also wol getruwen  
0,473a Vnde wir thaz lesen offenbarlich  
0,473b thaz thu sist kuniginne in himelrich  
0,474a Vnde din guote sun thie durch uns groze pine gedolet  
0,474b dich turch thaz ze sinem riche gehalete  
0,475a Thaz thu thar an siner anwurten sist  
0,475b unde unses thinges mit ime gethenkis  
0,476a Thure thaz duo iz uowe thure thine guote  
0,476b unde gedenche unser sundiger lute  
0,477a Tho thie apl-i also wir sageten under thie ivden  
0,477b manich ungemach lithen  
0,478a In omnem terra- sie tho uvoren  
0,478b unde predigoten uon unserem herren  
0,479a Vnde quaemen sumeliche in fines orbis terre  
0,479b also in gebot unser herre  
0,480a In antiochiam vuor petrus  
0,480b zuo corinthiam paulus  
0,481a Sint quamen sie beithe ze rome  
0,481b thar gemarterot wurthen uon nerone  
0,482a Petrum liez her an eine cruce han  
0,482b paulo thaz houbet abe slan  
0,483a Vber ein iar an them selbem dage  
0,483b sluoch man paulo thaz houbet abe  
0,484a So uns arator saget  
0,484b ther uon in gescriben habet  
0,485a Thize tet nere tho uon ther passione unses herren  
0,485b tho siben [...] [...]  
0,486a [...] [...] nero thar nah lebete  
0,486b sint her thice getan habete  
0,487a Andreas vur in achaiam  
0,487b thar her got thaz uolc gewan  
0,488a Tho liez in marteren egeas  
0,488b in ther burch ze patras  
0,489a An ein cruce liez her in han  
0,489b zuo ther wis liez er in slahn

- 0,490a An them cruce her zwene dage lebete  
0,490b unde them uolc uon gote sagete  
0,491a Iacobus iohannis bruther also wir gesaget haben  
0,491b wart mit herodis gebote geslagen  
0,492a Sint wart sin gebeine so sumeliche sagen  
0,492b in ispaniam gedragen  
0,493a Sumelich thaz sagen  
0,493b her wurthe uon herode thar geslagen  
0,494a Iacobus alfei then thie ivden  
0,494b unses herren bruther sagen  
0,495a er wart gestozen uon einer ho murin  
0,495b tho er predicot uon unserm herren  
0,496a Bi templo d-ni wart her nither gescoben  
0,496b thar wart her uon then cirstenen begraben  
0,497a Phylippus in cytiam gekerte  
0,497b thar her uon gote lerte  
0,498a Ce ivngist tet her sin ende  
0,498b in asia them lande  
0,499a Thar wart her gesteinot so sie sagen  
0,499b vnde wart an ein cruce geslagen  
0,500a In them selbem lande  
0,500b thet ouch iohannes apl-s sin ende  
0,501a In epheso also ich sagete  
0,501b tho er ahte unde nigenzich iar gelebet habete  
0,502a Iohannes baptista wart under ther ivden  
0,502b mit herodes gebote geslagen  
0,503a Tho her ime uon sines bruder wibe sagete  
0,503b thaz her sie mit [...] [...]  
0,540a alle werelich dinc uerkuren  
0,540b thaz sie thie sele nicht ne uerluren  
0,541a Thie hie grozes gemaches nicht ne plagen  
0,541b al mohten iz sumelich wol haben  
0,542a Thie turch gotes minne  
0,542b uerkuren thise wunne  
0,543a Vnde zu maniger wis turch thie selen  
0,543b thisen lif hir gequalen  
0,544a Wol wart then selen  
0,544b ther lichnamen thaz hir uerdient  
0,545a Thaz sie beliben muozen in gotes riche  
0,545b al ne werthent sie then heiligen nicht geliche  
0,546a Also sedulivs ouch scribet  
0,546b “wol ine thie an then ende thar belibet  
0,547a Guother heile wart sie hie geboren  
0,547b thiv ze gotes genathen muz uaren  
0,548a Thie turch got hir thaz gelithen  
0,548b thaz sie doch an einem ende thar beliben”  
0,549a Laurentius mohte ther gotes genathen gewis wesen  
0,549b uon them wir groze martiria lesen

- 0,550a Ther uon decio unde uon sinen luten  
0,550b wart also ein visch gebraten  
0,551a Thie pine her nicht ne clagete  
0,551b want her thie gotes genathe gewis habete  
0,552a Sines lichnamen quale was manichualt  
0,552b sine sele wart geluteret also ein silber unde also ein golt  
0,553a Thize viwer thaz gedolet her hir  
0,553b thaz her ne quaeme in thaz helleviwer  
0,554a Wir uerdolen ouch groze nothe  
0,554b sumelich ubeldaedige livte  
0,555a Also pilatus thie thar mide nicht ere erwarf  
0,555b wande her heiden unde umbekart starf  
0,556a thes ouch andere the Juthen untgulden  
0,556b thaz sie sich bekennen noch toufen ne wolden  
0,557a Thes wurthen sie geslagen unde uerbrant  
0,557b unde uerloren thar zuo ire lant  
0,558a Thaz in selbe unser herre uor saget  
0,558b Tho her sie unde ire stat clagete  
0,559a Tho her weinunde sprach  
0,559b zuo ierl-m ther stat  
0,560a Wie lutzel thu nu weist ierl-m  
0,560b thaz man dich suochen scal heim  
0,561a Wie luzel thu nu weist umbe thie grozliche dinc  
0,561b thie thir zowrdes sint  
0,562a Wie luzel thu weist thes grozen schaden  
0,562b thie thu uon dinen sunden scalt haben  
0,563a Thie nu mit friden sitzest  
0,563b unde thise wereletlich guot izzest  
0,564a Thu scalt uon thinen via-nden beseszen werden  
0,564b thie dich sculen uerderben  
0,565a Thaz thiner nechein stein sament ne belibet  
0,565b unde man thin uolc zersleht unde uerdribet  
0,566a Tho qua- iz al na sinen worthen  
0,566b want sie thaz romische thiet zevuorte  
0,567a Tho sie ire osteren scolden began  
0,567b in ther stat zuo ierl-m  
0,568a Also sie thar sie thar in quamen uon allen landen  
0,568b so wurthen sie thar in beuangen  
0,569a Von them romische here also ich saget  
0,569b thaz zuuene houbetman habet  
0,570a Tytum unde uespasianum  
0,570b einen uather unde einen sun  
0,571a Thice scolden sie mit gelichem urteile ane gan  
0,571b want sie wither then uather unde then sun habeten getan  
0,572a An there stat unde in then [...]den[...] [...]s[...]w[...][...][...]  
0,573a [...]g[...][...][...] besazen  
0,573b unde sie then mennischen azzen  
0,574a Thiv myoter ire kint

- 0,574b thaz waren unbarmliche dinch  
0,575a Sie azzen vil manigen dach  
0,575b thaz stro unde thaz chahf  
0,576a Ther thaz selbe ne uant  
0,576b her nam iz them anderen uz ther hant  
0,577a Them uader ther sun ivnge  
0,577b nam iz uon them munde  
0,578a Thiv muoder them kinde  
0,578b thaz quam uon sundelichen thingen  
0,579a Iz ne mach nieman them anderem gesagen  
0,579b wie groze not habeten thie ivden  
0,580a Thie burc sie tho gaben  
0,580b na then grozen ungenaden  
0,581a Tho wart ire thie zwei teil geslagen unde uerbrant  
0,581b thaz dridte teil gienc in hant  
0,582a Vnce sie an unsen geziden  
0,582b uon then cristen wurden uerraten  
0,583a Verraten unde ueruohten  
0,583b also iz wolde unser drehtin  
0,584a Nu waren ouch tempora nationum vollegan  
0,584b thaz sie then hetthen scolden sin underdan  
0,585a Wande iz unser herre habete uor gesaget  
0,585b so uns lucas uor gescriben habete  
0,586a Abe them geslahte ther ivden  
0,586b thie tho ze libe beliben  
0,587a Sca- helena zuo ierl-m uant  
0,587b thie turch thaz heilige cruce quam in thaz lant  
0,588a Then sie gebot thaz sie ire sageten  
0,588b war sie thaz heilige cruce uerborgen habeten  
0,589a Sie sageten thaz sie tho nicht geboren ne waeren  
0,589b tho man marterot then herren  
0,590a Sca- helena sie auer ane sprach  
0,590b unde sie vil minneclich bat  
0,591a [...] [...] dun ire nechein ne behilde then leben  
0,592a Sie scolden lebendich uerbrinnen  
0,592b iz ne waere daz sie ire untrunnen  
0,593a Vnde gebot thaz sie sich bespraechen  
0,593b unde sie iz ire nicht ne besuigen  
0,594a Ivdas ther ther aldest was in allen tho sagete  
0,594b "einen alderuader ich habete  
0,595a Ther hiez zacheus  
0,595b ther saget minem uader symoni sus  
0,596a Man scal unser afterkomen  
0,596b thie in dirre stat sculen wonen  
0,597a In grozem gethuange haben  
0,597b thaz sie uon them cruce sagen  
0,598a Sagent sie daz  
0,598b so zeget unser euwe in ther stat

- 0,599a Vnde sie selbe werthent uerdriben  
0,599b of sie ouch behalden then leben”  
0,600a Vnder in sie tho gelobeten  
0,600b thaz sie iz ire nicht ne sageten  
0,601a Also sca- helena thice gehorte  
0,601b so trowet sie in auer harte  
0,602a Vnde sprach daz sie brinnen scolden  
0,602b nu sie iz ire sagen ne wolden  
0,603a Van ivda sie ire tho sageten  
0,603b waz sie uon ime uernomen habeten  
0,604a Then wolden sie ire geben  
0,604b thaz sie ander behilden then leben  
0,605a Ivdam sie auer bat unde gebot  
0,605b thaz her iz saget ane not  
0,606a “Wie mohte ich thize wizzen” sprach iudas  
0,606b “ther thannen nicht geboren was  
0,607a Vnde thes ouch zwei hunderet iar sint uergan  
0,607b thaz thise dinc wurthen getan”  
0,608a Ther urowen her iz nicht ne saget  
0,608b er sie in in ein ertgruobe legete